

四庫全書

集部

欽定四庫全書

文苑英華卷四百四十五

宋

李昉等

編

冊文四

諸王冊文二

冊漢中王瑀等文

賈

至

見唐大
詔令

維天寶十五載歲次景申七月戊子朔皇帝若曰咨爾
漢中王瑀裒御史中丞魏仲犀王室多難克逆未誅是
用建爾子姪以為藩屏命爾忠良以攝傳相安危繫是

舉可不慎歟夫王侯之體則以任能從諫為本親賢仗信為則好問樂善為心安仁容衆為節然後能建其功業夾輔王室是以漢之宗王多委政守相故能享祚長久今聞不已朕聞汝瑀能寬大儉約樂善好賢敦悅詩書動必由正而久於高簡未習政途又聞仲屏才幹振舉憂勤庶績必能固爾磐石匡補闕漏軍旅之事必委其專獄訟之煩必與其決簡賢任能必使其舉懲惡勸善必任其斷惟協惟睦其政乃成同德合義何往不濟

於戲瑀其鎮撫黎人莊肅守位仲屏其悉心戮力贊我
維城瑀有任賢之名仲屏有忠勤之績匡復社稷戡定
寇讐在此行也勗哉其無替朕命

冊魏王文

玉堂遺範

維咸通三年歲次

閏

皇帝

若曰夫翦珪分器事炳周經裂地䟽封道光漢冊莫不
克隆磐石作固本枝並建親賢以崇藩翰朝有定制朕
安得私爰稽盛時俾隆錫社咨爾長男佾通輝日月稟

慶霄漢詔令作黃陰若木之凝華派璿源之積潤天姿岐嶷

神侍疑聰明早彰樂善之規夙有辨牘之知卓爾踔度

藹然徽猷宜荷寵章以開土宇今遣使門下侍郎兼吏

部尚書平章事杜棕副使左散騎常侍趙格等持節命

詔令作冊爾為魏王於戲河外名都漳溢與宅爾其竭奉上

之孝敬慎臨下之儀刑守道宜鑒於遠名尊賢無忘於

置醴用新魯衛之政以昭間平之德服我休命可不慎

歟

冊涼王文

維某年月日皇帝若曰夫維城作捍實隆定鼎之業犬
牙列國以盛建瓴之功故廣樹戚蕃畢王子弟歷朝茂
典列聖宏規舉而行之朕不敢廢咨爾第三男健分暉

紫極託

詔令
作挺

質丹宮器度沉詳姿容端粹藹有成人之

量形乎佩鞞之年志翫楚詩情通沛易不勞師傅之訓
動形忠孝之規爰嘉令猷俾建侯社今遣使門下侍郎
兼吏部尚書平章事杜棕副使左散騎常侍趙格等持

節冊爾為涼王爾其奄長洪河大啓西土紹于前烈恢
我舊疆敬慎於朱邸之間謹睦於玳筵之上靖恭其位
克廣其心無從匪彝服我休命

冊蜀王文

維某年月日皇帝若曰夫堯序九族周列五等事高維

翰

或作幹

道在睦親况居帝子之尊宜荷封王之典用彰

慶羨以固洪基咨爾第三男佶符彩昭融姿容朗悟騰
英日域儲秀星樞已多秤象之能纔是勝衣之歲靜不

好弄言必成文曾無紈綺之心每服詩書之訓嘉其幼
智錫以大封今遣使門下侍郎兼吏部尚書平章事杜
棕副使左散騎常侍趙格等持節冊爾為蜀王爾其宅
于坤維建諸赤社䟽以江漢鎮以岷嶓列為侯王邇我
宮禁以謹恭而接下秉忠孝以律身服是寵光終于戒
慎

擬冊齊王文

劉禹錫

以下四篇集無

維某年月日皇帝若曰啟茲東國境于青州略嶠夷導

澠淄鹽絺貢庭縶絲入筐粵在少昊為爽鳩之域沃若
殷商乃薄姑之丘周實太公之國積海岱之饒習戎草
之盛因俗簡禮其政易成咨爾第二子某直諒多聞溫
裕有立樂於為善力其未能行本貞廉言依忠孝固可
錫茲青社俾藩于東是用命使某官某乙持節冊命爾
為齊王往欽哉宜聽朕命夫敬人可以理國然後己可
以得人謂己不明任賢良以為明謂己不德資師傅以
為德國安則備爾忠孝人散則忝爾君親慎乃厥修無

替休命

擬冊楚王文

維某年月日皇帝若曰衡岳峙靈雲夢潤德錫十朋以
備神物包三脊以供王祭浮江潛漢寔曰渚宮俗輕而
佻上難其化咨爾第三子某正性自得懿行克修廣淡
居心寬裕推己移此成器綏于荆蠻錫爾赤社以屏南
土是用命使某官某乙持節冊命爾為楚王往欽哉宜
聽朕命於戲布政在寬草俗先信分吾之憂以惠黎庶

勵爾之志以報君親為子為臣克忠克孝臻於二德在
理一邦祇敬勿休無忝我命

擬冊邠王文

維某年月日皇帝若曰朕讀詩至豳風見古公亶父之
跡然後知王業之難仰惟我太祖太宗之櫛沐風雨以
啟天下是用兢惕若墜泉谷幽之舊地積德之餘俗厚
而忠人悅其上王于茲土克懋賢戚咨爾第四子某質
重性和神清氣茂威儀儼若恬淡寡言介然風規坐鎮

流俗固可將吾勤儉宣化幽郊錫爾白社藩于西土是
用命使某官某乙持節冊命爾為邠王往欽哉宜聽朕
命於戲播種者后稷公劉之業善繼者古公亶父之志
積德行義國人戴之詩有七月之章非惟王業艱難亦
俗阜化成之風也爾其日夜思之談以溫柔之教無奪
農時使獨戴周德以忝我一人之命

擬冊晉王文

維某年月日皇帝若曰涉河之東千里而廣右浸衛水

左據常山蒲坂唐堯所封之丘歷山虞舜隱耕之地晉陽我高祖誓衆之野本晉國也而謂之唐其人憂深思遠有帝堯之遺風焉故我國家因之以啟王業將我朝政保茲舊邦克建威藩以任賢德咨爾第五男某和裕稟質端貞理身撝謙似不能好善如不足行歸於厚口無擇言本孝克家資忠體國固可嚴奉啟聖之域綏懷積德之邦錫爾黑社以藩于北是用命使某官某乙持節冊命爾為晉王往欽哉宜聽朕命於戲踐唐堯之地

理虞舜之人開高祖之域爾其兢兢底慎以臨其人思
流愷悌之風祇敬興王之地無一舉足以忘我祖宗艱
難之業往利厥土以孚于休

封鄂王制

蔣仲見唐大
詔令

門下周家受命諸子䟽封漢氏造邦二等垂制式崇藩
屏思固本根逮于國朝必稽典憲太宗創久長之業乃
建親賢列聖遵繼守之文廣分土宇朕獲承丕構敢廢
彝章非唯永保於皇基蓋亦無私於天下第六男潤生

而聰敏性則溫恭孝敬夙彰誠明日至能服詩書之教
居然禮義之姿雖在幼年動由義訓周旋知為善之樂
謙和無自伐之心足一作是可以膺犬牙之封厚麟趾之

慶授以茅社錫其桐珪俾為戚藩以輔王室爾宜繼二
南之美躅習三雍之舊儀敬服斯言用光禮命可封鄂

王令所司備禮冊命

大中五年六月

封棣王制

沈詢

門下朕聞王者建植子弟胙以茅土將欲蕃昌磐石深

固本根周漢之隆率由斯道及我列聖每用舊章所以
撫安生靈保佑中外朕恭承天序敢紊前規爰加立愛
之恩庶廣推公之義憲宗第十八子惴生則溫柔性惟

聰達神邁氣朗閱

詔今
作聞

禮知方蘊積中之粹和資奉上

之孝敬必能副予之

詔今無
之字

友愛始終令圖以耀金枝

以輔王室是合俾開朱邸盛建戚藩載啟唐虞之風用
崇麟趾之慶嗚呼惟茲盛典用別親賢必思繼美二南
紹休五等佩維城之重思外屏之尊無怠無荒服我不

命可封棣王仍令擇日備禮冊命

大中六年十一月

冊景王文

錢 珣

維年月日皇帝若曰周官八統其一親親漢制皇子為
王得使立社于國固本之大哲后皆然咨爾第八男祕
當襁褓詔今作保抱之間有敏惠之性亦既總角遂能勝衣

默識天經潛滋日就未嘗玩物可以䟽封乃告守龜且
聞叶吉來受茲典永為東藩今遣某官某乙持節冊爾
為景王嗚呼見厥賢而能思賢爾則必賢矣知可逸而

能無逸爾則常逸矣是宜廣王緒承丕休敬而聽之罔
失厥度

冊輝王文

維年月日皇帝若曰古君子篤於親者使天下興於仁
也故二王五子之封非獨立愛而已咨爾第九男祚克
岐之質見善欲遷稟訓導而必開故戲言而不受一隅

詔令
作已

達四術可陳乃申胙土之章俾奉成人之美

詔令

作禮今遣某官某乙持節冊爾為輝王於戲為臣為子皆

在爾躬有器有名敢私國典錫類則非孝不可遠耻則
非恭不能無替聿修以光利建白茅金璽昭物具焉爾

其夙夜循思用稱休命

乾寧四年十月

冊祀王文

維年月日皇帝若曰廟立之重天序可承將茂本枝式
遵懸法庸就至公之體諒非吝子之心咨爾第十男祺
植性惟貞詔令作和挺才亦秀飭躬固念於紈素樂善欲忘
於鼓鐘析壤之休自天而體臨軒之命秉禮則安今遣

某官某乙持節冊爾為祁王於戲保在深宮鮮知政

詔令

作正範在

一作任

之作傳我必擇人苟有如常孟之諷諭安

國之輔導者爾當俯聽其言勤行其教使我自家之訓

克刑于

詔令作彰於

萬邦而固爾建社之寵不其大哉

乾寧四年

十月

冊雅王文

維年月日皇帝若曰周王之嗣分茅土者十五國漢景之代書簡冊者十三王朕以寡昧之資奉神靈之統每

顧諸子實惟天休期訓導之將成諒封建而可享治爾
第十一男楨方當稚齒復在深宮有知憂知懼之心見

聞詩聞禮之志

詔令作學詩
學禮之性

自然而稟最樂不渝遂詔

有司往申舊典今遣某官某乙持節冊爾為雅王於戲
受冊之命重屬汝躬列聖在宮百辟在位在天必聽在
位必觀罔怠交修用承多祐

光化元年
十一月

冊瓊王文

維某年月日皇帝若曰不廢懿親大封同姓吾嘗觀於

經籍矣然而歷代賢君正名用典必擇材行使之光昭
其可以子弟之私恩冒先王之成憲朕雖不德必慎有
為咨爾第十二男祥於兒戲之時多幼敏之智謂之材
也不曰近乎處昆弟之間有推讓之性言其行也不曰
類乎是宜䟽封且命申誥今遣某官某乙持節冊爾為
瓊王噫作德日休爾則逸作偽日拙爾則勞擇利而行
令名斯至

封棣王虔王沂王遂王制 陸 扆

門下我國家奄宅中區光啓祖業析珪胙土唯親與賢
故本根茂而枝葉榮王室尊而藩屏壯肆予眇末叨獲
纂承賴至道之玄慈鍾列聖之餘慶顧茲胤嗣實謂蕃
昌爰稽典謨用建邦土第三男昶星辰毓粹岳瀆降靈
早彰岐嶷之姿克稟徇齊之度第五男禎龜龍應瑞鷗
鷗凌空溫恭自得於天和穎悟實由於神賦第六男禋
璆琳挺秀鸞鷲呈祥爰當好弄之年雅號夙成之器第
七男禕珠璣耀彩菌萐含貞風神潛茂於端莊質性已

彰於惠敏而皆生知孝敬志樂文儒問安靡曠於晨昏
稟訓每由於詩禮智有刻舟之妙辯多對日之竒是宜
分以白茅錫其朱邱叶犬牙於漢制光麟趾於周詩厭

次名邦境連於齊魯南康粵壤上接於荆吳琅琊廓

詔令

作敦儒素之風遂寧實阜殷之俗咸稱重地各服徽章於

戲器以琢成道由學顯勉稟君親之教敬承友傳之規
勿追平樂之歡無好任城之勇懋建厥德永享于休禔
可封棣王禩可封虔王禔可封沂王禕可封遂王仍令

所司擇日備禮冊命主者施行

乾寧元年十月

皇第十一男禎封雅王第十二男祥封瓊王制

張玄晏

門下成周之建藩翰也本以宗盟大漢之分茅社也先諸子弟推強幹弱枝之義遵自家刑國之文用能夾輔

公朝尊獎王室朕上承宗廟下撫黎元固安

詔令作安

萬邦

惠綏群品事必在於師古理寧繫於徇私爰舉舊章式為令典第十一男禎忠肅挺秀清明在躬孝敬本於生

知端粹資乎神授蘊題鞭之妙思慕置醴之前規第十

二男祥美秀呈姿溫良毓德體寬雅以情詔今性持愿

作成

恭而立身踵為善之懿圖繼好學之休譽咸在韶齟克

守義方必當益茂清徽俱為令器是用各分圭瑞並列

封疆申以渥恩委之善地於戲當綺紈之歲膺茅土之

榮鳳序聯芳犬牙錫壤爾宜簡以蒞衆儉而在公善友

應徐敬師申白交修魯衛之政俾成虞芮之風往惟欽

哉服我不訓禎可封雅王祥可封瓊王仍令所司擇日

備禮冊命主者施行

光化元年十一月

皇帝第八男祕第九男祚第十男祺封王制

詔令

作封景王輝

王祚王制

鄭璘

門下昔者明王臨御之理立德於至道茂緒於惟親朕
嗣守丕圖祇若鴻訓未嘗不稽古以建于邦家勵精以
奉我皇唐之宗祖况洎漢而還封冊之重抑有前典煥
乎彝章當知子之敢私亦內舉之良媿第八男祕粹和
包美謹厚自居踐禮樂之德文佩詩書之義府第九男

祚生而向善夙賦好謙克明教導之風蔚有端莊之質

第十男祺後星表

詔令
作增

潤甲觀呈祥妙彰岐嶷之姿雅

得聰明之性而又並標嘉器皆稟溫文慰沃且多寵數

宜舉爰擇重地式崇其名於戲恭乃修持服諸訓順俾

成

詔令
作盛

磐石之固允膺典禮之榮勉樹令徽各欽休命

祕可封景王祚可封輝王祺可封祁王

乾寧四
年十月

文苑英華卷四百四十五

欽定四庫全書

文苑英華卷四百四十六

宋

李昉等

編

冊文五

皇后冊文

冊皇后文

詔今作太上皇立
皇帝妃為皇后制

內制

睿宗誥曰王者建邦設內輔之職聖人作則崇陰教之
道式清四海以正二儀妃王氏冠蓋盛門幽閑令德藝
兼圖史訓備公宮頃屬艱危克揚功烈聿興昌運實賴

贊成正位六宮宜膺盛典

詔令作禮

可冊為皇后

延和元年七月

冊淑妃王氏為皇后文

陸贄

維貞元二年某月日皇帝若曰乾坤合德聖人則之惟

帝承天惟后配帝嗣續百代母臨萬邦位定于

集作於

中

而尊加於外德修諸己而化被於

集作于

人御於家邦所

繫斯在三代崇替靡不由之予以詢衆採賢重難茲

命中壺虛位於

詔作于

今歷年陰儀或虧宗事無主

集作相

缺於典禮朕甚愧焉稱是徽章聿歸全德咨爾淑妃王

氏天與淳

集作純

粹氣

集作神

鍾元和含章在中發秀于外

卓爾風操穆然容輝周旋中規進退有度仁愛恭儉本

於生知詩書禮樂成自師氏竭于

集作其

孝弟祇事先朝

承訓

集作順

無違克諧尊旨往居桂苑淑問已彰洎奉椒

塗謙光載路六宮攸叙九族以親嘗屬艱屯

集作屯

累從

行幸思賢才以輔佐知臣下之勤勞庶績伊

集作其凝頗

資內助永念頃筐之志且懷求劍之情崇位長秋永懷

盛典矧惟元子貞我萬邦稽以舊章是宜從貴今遣攝

太尉某官某乙持節冊命爾為皇后嗚呼敬哉王教之
端始於內範風美關雎之化雅詠思齊之德罔懈厥位
忝于前修克念有終庶無咎悔奉承休命可不慎歟

冊淑妃為皇后文

錢 珣

維乾元五年歲次戊午四月庚子朔二十七日丙寅皇
帝若曰惟王法天惟后象地統理之道相須而成秉陽
雖繫於昭垂養物必歸於厚載惟詔今無惟字處大倫而克

正與元化而同光上贊君臨旁資婦順遠徵百代咸本

六經而禮曠累朝位虛中壺嚴裡怵惕玉盞無所進之
人內令寂寥彤管有不書之史興廢之重作配實難咨
爾淑妃何氏柔既可觀儉皆中度外言罔入懿則自成
處閑房而椒亦蜚聲御

詔今
作遇

衆妾而木能逮下洎邦家

多難輔佐克勤每見求衣未嘗安寢先知盱食不視晨
脩欲齊京室之賢罔慕長秋之盛勞謙之報降福是宜
乃顧皇儲仍因子貴公卿來講龜筮斯從實上帝之所
嘉詎朕心之可抑今遣某官某持節冊爾為皇后於戲

極位正名居尊齊禮典一申而百神聽禮一行而萬國

歡

詔令作知

懼恐

詔令作誠懼

可以保其名齊莊可以守其位往

司

詔令作弘

陰教以永天休

冊淑妃何氏為皇后文

楊 鉅

門下朕博採大易眇觀詩訓觀柔剛咸感之象賦鳴鳩

肅雍之德將以視天下之內理叙人倫之大端宜于家

邦厚示風化矧九廟在上籩豆是薦三揖在下簋章具陳

得不敬

詔令作庀

乃禕禴稱茲典禮俾承光於軒耀式正位

於坤儀淑妃何氏明配圓靈德符厚載珪璋特達鸞鳳
萎葳同輦必辭脫簪能諫四德克備六宮是推述壺職
以彌勤煥彤史而斯美况惟元子既登儲貳順考古道
雅協徽章受貞吉辰藏于盛典咨爾克持婦政以率內
和齊莊是儀用諧靜德明章之道允在茲乎

公主冊文

冊信成公主文

孫 遜

維開元二十五年歲次丁丑八月癸卯十五日丁巳皇

帝若曰於戲易著于歸詩稱下嫁所以正風化厚人倫

也洛爾信公主淑慎由衷聰

詔令作柔

明形外訓以師氏頗

詳環珮之儀修其婦功更習紘緼之藝日徵先近年及

有行宜錫徽章俾膺茂典今遣使金紫光祿大夫兵部

尚書兼中書令集賢院學士修國史上柱國晉國公李

林甫副使中大夫守中書侍郎集賢院學士徐安貞持

節禮冊

四字一作持節冊
兩為信成公主

爾其光昭閭德弘長國風無

怠厥心永綏介福可不慎與

冊昌樂公主文

維開元二十五年歲次丁丑八月癸卯朔二十九日辛
未皇帝若曰於戲好合之禮以正人倫肅雍之德用成
婦道咨爾昌樂公主生知法度性與柔和亟聞彤史之
言頗識采蘋之事素以為絢既閑於內則梅有其實式
遵於下嫁宜膺冊書之命以備車服之庸今遣使銀青
光祿大夫工部尚書牛仙客副使黃門侍郎陳希烈持
節冊禮四字一作持節冊爾其欽崇四教承順六姻式

爾為昌樂公主

爾其欽崇四教承順六姻式

是大邦受茲明命可不慎歟

冊高都公主文

維開元二十五年歲次丁丑九月壬申朔十一日壬午

皇帝若曰於戲古之聖人垂訓作則必正內外之位以

明婚姻之禮茲爾高都公主生於官闈自稟幽閒之性

教以師氏更彰柔順之

詔令作更有徽柔

則能循法度克慎言

容魯館于歸沁園將啓宜膺冊命俾叶典章今遣使工

部尚書牛仙客副使黃門侍郎陳希烈持節禮冊

四字一作

持節冊爾為
高都公主

爾其自下于心增修厥德式瞻清懿永固

恩榮可不慎歟

冊永寧公主文

維開元二十六年歲次戊寅八月丁酉朔二十二日戊
午皇帝若曰於戲人倫式叙以正國風女子有行將成
婦道咨爾永寧公主自幼及長終溫且惠引圖史為鏡
鑑用柔和為粉澤許嫁而笄既遵於彝詔令作禮典備物之

冊宜承於寵命今遣使金紫光祿大夫兵部尚書兼中

書令李林甫副使上柱國徐安貞持節禮冊

四字一作持節冊爾

為永寧公主

爾其謙恭自下淑慎為先無忝公宮之教永貽

邦媛之則可不慎歟

冊臨晉公主文

內制

維開元二十六年歲次戊寅閏八月丁卯朔十六日壬

午皇帝若曰於戲古之帝女下嫁諸侯以正婚姻之大

詔令作懿

綱昭肅雍之令德咨爾臨晉公主蹈和成性體順

為心願協生知之敏更承師氏之訓柔明益著淑慎攸

彰兼四教而不違勤六行而無斁近日云吉嘉禮有期
宜穆彝章載光冊命今遣使侍中函國公牛仙客副使
黃門侍郎陳希烈持節禮冊爾其克遵法度用廣徽猷

發明閭德垂範于後可不慎歟

此篇英華題作公主
出降制誤入封制中

冊嘉誠公主文

陸贄

維貞元元年歲次乙丑六月甲子朔十三日丙子皇帝
若曰王者以義睦宗親以禮敦風化義之深實先於友
愛禮之重莫大於婚姻故春秋書築館之儀易象著歸

妹之吉予是用祇考令典

詔令作明義

率由舊章

二句集作追考舊章

率由前典

咨爾嘉誠長公主孝友柔謙外和内睦

集作内和外敏

公

宮稟訓四實

集作德

備修

孝友至備修十六字詔令作特稟生知重承先訓行必中則意

不違仁柔謙惠和孝友純懿嘉乃全德時惟成人

䟽邑啓封命公為主徽章所

被

詔令作備物

禮實宜之今遣使光祿大夫檢校司徒同中

書門下平章事沂國公勉持節冊命

四字一作持節冊爾為嘉誠公主

爾往欽哉

詔令作嗚呼戒哉

下嫁諸侯諒為古制肅雍之德見

美詩人和可以克家敬可以行已奉若茲道永孚于休

懋敦王風勿墜先訓

詔令作懋昭令
問無替朕命

光膺盛典

詔令
作禮可

不慎歟

擬公主冊文

劉禹錫

集
無

惟某年月日皇帝若曰桃李發詠雲日連輝禮秩克柔
肅雍載美葉館大國建號名邦乃躅通規用光懿範咨
爾長女金枝寵慶玉質輝奇蘊異體和含章挺秀柔順
懿德幽閒可貞已及初笄言從下嫁主之以同姓叔父
配之以貴族聞人式遵舊儀錫是土宇是用命使某官

某持節冊命爾為某公主於戲何彼穠矣詩之國風盖
美王姬能成婦道爾其克念以敬所從無忝我之休命
不其猗歟

冊益昌公主文

薛廷珪

維乾寧元年歲次甲寅十月庚申朔十四日甲子

通鑑作庚

寅朔十四日
癸卯當考

皇帝若曰粵昔漢頌魯國魏錫常山繇鍾

愛以分封亦旌賢而別壤前王茂典歷代成規朕命嗣
守不敢失隆咨爾第七女蘭芷

詔今作道

芳猷肅雍懿範坤

順之性體於自然天覩之資稟于陰教不明爾德孰慰
我心爰稽舊章俾率彛訓乃䟽湯邑仍錫粉田所以示
鳴鳩均養之仁樂螽斯宜爾之慶夙興夜寐無忘女史
之箴下氣怡聲勉習家人之禮女儀婦道可不慎歟

公主制

封皇第二女常芬公主等制 蘇頌

黃門諸女皆封先王之制第二女等慶聯霄漢體自穠
華常閱禮於后庭必聞詩於師氏朕撫臨億兆憲章古

昔俾裂河山之賦用疇湯沐之恩可依前件主者施行

開元三年十

二月十日

封高都公主等制

孫逖

門下肅雍之範以成女德湯沐之賜爰著國章第十一
女等生於公宮訓以師氏溫惠之性頗有天姿圖史之

學仍聞日就初笄甫及外館將歸宜

詔今
作因

司徒禮之期

式備䟽封之典可依前件仍各實封一千戶主者施行

封永寧公主制

門下自昔帝女必建封邑典章不易等數猶存第十七

女幼而閑和長實徽懿引圖史以自鑒用肅雍而成德

詔令作筮將擇近日言遵下嫁宜承湯沐之賜以備車服之

庸可封永寧公主邑詔令作食實封一千戶主者施行開元二十

六年

封平昌公主制

門下詩美肅雍遠著於風雅禮有封建久存於簡策第十九女尚柔成德克順由衷稟於天然自有閑和之性

訓以師氏備詳圖史之學宜開湯沐俾叶典章可封平昌公主食邑一千戶主者施行

封永昌公主制

制集

門下普寧公主天泉浴

詔令作滋

德崇蘭發彩纂組之華每

工於經目保阿之訓深得於雅言

詔令作稚

禮必叶中言無

出閫

詔令作容禮必叶言行無間

從容珩璜之韻婉婉柔嘉之儀而

䟽封舊邦禮宜改避是擇美邑再申異恩可改封永昌

公主主者施行

第七女封公主制

元

稹

見集本

門下長女等抱子弄孫之榮貴賤之大情也朕以四海奉皇太后於南宮問安之時諸女侍側螽斯之慶上慰慈顏鳩鳩之仁內懷均養雖穠華尚少出閣未期而湯沐先施分封有據宜加美號以表令儀可依前件主者施行

第十二妹等四人各封長公主制

白居易

見詔令集無

勅古者帝子下嫁必使王公主焉近代或有未笄年而
賜湯沐者亦加公主之號以寵重之第十二妹等先皇
帝之子也比朕之子宜加等焉故當幼年各封善地咸
命為長公主未及釐降先開邑封所以慰太后慈念之
心表先帝肅雍之訓亦欲使吾孝理之道敦睦之風自
骨肉間以及天下可依前件

封大和長公主制

勅公主之封號也或以善地或以嘉名立愛展親茲惟

舊典第四妹端明成性和順稟教靜無違禮故組紉有
常訓動必中節故環珮有常聲歲茂穠華日新淑問乃
眷肅雍之德俾開湯沐之封可依前件

集作可封某公主
長慶元年

三月

封盛唐公主制

蔣伸

門下展親外館則必待年廣愛中闈宜光啓邑第七女
祥開銀漢秀發金枝孝敬生知柔間早稟克承姆師之
訓每遵詩禮之文法度自持穠華益茂爰申彝典載錫

嘉名俾承湯沐之封式示邦家之慶可封盛唐公主備

禮冊命

此為英華誤入冊
文中今移于後



文苑英華卷四百四十六

欽定四庫全書

集部

文苑英華卷四百四十七至
九

詳校官庶吉士臣柳邁祖

助教臣常循覆勘

總校官進士臣朱 鈐

校對官中書臣鮑之鍾

謄錄監生臣沈世玫

欽定四庫全書

文苑英華卷四百四十七

宋 李昉等 編

冊文六

九錫文

冊陳王九錫文

徐陵

大哉乾元資日月以貞觀至哉坤元憑山川以載物故
惟天為大陟配者欽明惟王建國翼輔者齊聖是以文
武之佐礎溪蘊其玉璫堯舜之臣榮河鑄其金版况乎

體得一之鴻姿寧陽九之危厄援

陳書作拯

橫流之

南史作於

碣

石撲燎火於崑崙

南史作岡

驅馭於韋彭跨踞於齊晉神功

行而靡用聖道運而無名者乎今將授公典策其敬聽

朕命日者昊天不弔鍾亂于我國家漏網吞舟強胡內

顛茫茫宇宙懔懔黎元方趾

陳書一作足

圓顛萬不遺一太

清否亢橋山之痛已深大寶述如平陽之禍相繼上宰

膺運康救兆民

南史作黔黎

鞠旅於滇池之南揚旌於桂嶺

之北懸三光於已墜謚四海於羣飛屠契偷於中原斬

鯨鯢於蒙汜功滿上國光啓中興此則公之大造於我
皇家者也既而天未悔禍夷醜荐臻南夏崩騰西京蕩
覆羣胡孔熾藉亂乘間推納藩枝盜假神器冢司昏撓
旁引寇讎既見貶於桐官方謀危於漢閣皇運已殆何
殊贅旒中國搖然非徒如綫公赫然投袂匡救本朝復
莒齊都平戎王室朕所以還膺寶曆重履宸居挹建武
之風猷彰南史
作歌宣王之雅頌此又公之再造於皇家者
也應務之初登庸惟始三川五嶺莫不窺臨銀洞珠宮

所在寧謚孫盧肇疊越貊為羣

南史作災

番部陷危勢將淪

殄公赤旗所指祆壘洞開白羽纒撝凶徒粉潰非其神

武久喪南藩此又公之功也大同之末邊政不脩李賁

狂迷竊我交愛敢稱大號驕聲

陳書作恣

甚於尉佗據有連

州雄豪熾於梁碩公英暮雅弄電掃風行馳御樓船直

跨滄海新昌典徹

陳書作激

備履艱難蘇歷嘉寧盡為京觀

三山獠洞八角蠻陬逝矣水寓

南史作寓

之鄉悠哉火山之

國馬援之所不屆陶璜之所未聞

南史作開

莫不懼我王靈

爭朝邊候歸睪天府獻狀鴻臚此又公之功也自寇虜

清

南史
作陵

江宮闈幽辱公枕戈嘗膽提劍折心

陳書
作推

氣涌

清霄神飛紫路

陳書
作闕

而番禺連率本自諸夷言得其朋

是懷同惡公仗此忠誠乘機勦定執沛令而釁鼓平新

野而據鞍此公之功也世道多艱方隅多難勲門桀黠

作亂衡山兵切池隍衆兼夷獠公以國盜邊警知無不

為卹是同盟誅其醜類莫不魚驚鳥散面縛頭懸南土

黔黎重保蘇息此又公之功也長驅嶺嶠夢想京畿緣

道酋豪遁為榛梗路養渠率全據大都蓄聚逋逃方謀

阻亂百樓不戰雲梯之所未窺萬弩各張高墉陳書作鞬之

所非敵公龍驤虎步嘯陟風雲一作雲從風生山靡堅城野無

強陣清妖氛於灑石滅沴氣於雩都此又公之功也遷

仕凶慝屯據大臯乞活類馬騰之軍流民多杜弋之衆

推鋒轉鬪自北阻南頻歲稽誅實惟勅虜公坐揮三畧

遙制六竒義勇同心貌貅騁力雷轟電擊谷靜山空列

郡無犬吠之驚藪祠罷狐鳴之盜此又公之功也王師

討虜次屆淪波兵乏無儲士有飢色公迴麾彭蠡積穀

巴丘億庾之詠斯豐壺漿之旺

陳書
作迎

是衆軍民轉漕曾

無砥柱之難舳艫相望如運教倉之府犀渠貝冑顧蒞

雷霆高檻層樓仰捫霄漢故使三軍勇悅

南史
作銳

百戰無

前承此軍糧遂殄凶逆此又公之功也若夫英圖邁俗

義旅如雲溢壘猜攜用淹戎略公志唯同獎師克在和

鵠塞非虞鴻門是會若晉侯之誓白水如蕭王之推赤

心屈禮交盟人祇感咽故能使舟師並路遠近明心

南史

作遠邇

此又公之功也姑熟襟要峭函所

陳書作阻

憑寇虜

據其闕梁大盜負其肩鑰公五

南史作一

校裁撫三雄並奮

右角沙潰左廣土崩

南史作左賢右角沙潰土崩

木甲殪於中原氍

裘赴於江水他他籍籍萬計千羣鄂坂之隘斯開夷虜

之道無塞此又公之功也義軍大衆俱集帝京逆豎凶

徒猶屯皇邑若夫表裏山河金湯險固䟽龍首以抗殿

剪華岳以為城雜虜憑焉強兵自若公迴茲地軸抗此

天羅曾不崇朝俾無遺噍軍容甚穆國政方脩物重觀

於衣冠民還瞻於禮樂楚人滿道爭歸於葉公

陳書作規

漢

老銜恩俱歡於司隸此又公之功也天子內難

南史作內難初

靜

諸侯出關外郡傳烽鮮卑犯塞莫非沮渠當戶中貴

名王冀馬迺於淮南胡笳動於徐北公舟師坐

南史作步

甲

巨野橫江殲厥羣羝逐殫封豨莫不絰木而止戎車靡

遺遇濶而旋歸駿

陳書作駿

盡殪此又公之功也公克黜禍

難劬勞皇室而孫寧之黨翻啓狄人

陳書作心

伊洛之間咸

為虜戍雖金陵佳氣石壘天嚴

或作巖

朝闔戎塵夜喧鉦

鼓公三籌既畫八陣斯張裁舉靈鈺亦抽金僕咸俘醜
類悉反高墉異李廣之皆誅同龐元之盡赦此又公之
功也任約叛換梟聲不悅戎羯貪婪狼心無改宮廬氊
幕抵北闕而為營烏孫天馬指東都而成陣公左甄右
落箕張翼舒掃是欃槍驅其獫狁長狄之種埋於國門
椎髻之酋烹於軍市投秦坑而盡沸噎濁水而不流此
又公之功也一相居中自折彛鼎五湖小守妄懷同惡
公夙駕兼道秉羽杖戈玉斧將揮金鉦且戒妖寇

南史
作酋

震懼遽請灰釘藝觀以表其含弘焚書以安其反側此
又公之功也賊龕凶橫陵虐具區阻兵安忍憑災怙亂
自古蟲言鳥跡渾沌洪荒凡或虔劉未此殘酷公雖宗
居汝穎世寓東南育聖誕賢之鄉含章挺生之地眷言
桑梓公私憤切卓爾英猷承規奉筭戮此大憝如烹小
鮮此又公之功也亂離未久

陳書
作永

羣盜孔多浙右凶渠

連兵構逆豈止千兵五校白雀黃龍而已哉公以中軍

無率選是親賢姦寇途窮

自豈止至途窮二十七字見
陳書而南史及英華但云勢

窮力蹙而已

漼然冰泮刑唐

陳書作漼又注作塘

之所文命動其天

陳書

作大威雷門之間

陳書作間

勾踐行其嚴戮英規聖跡異代同

風此又公之功也同姓有扈頑凶不賓憑藉宗盟圖危

社稷觀兵滙澤勢震京師威迫蠻夷

陳書作驅率南蠻

已為東

帝公論兵於朝堂之上決勝於樽俎之間寇賈樊滕浮

江下瀨一朝翦撲無待旬師萬里澄清非勞新息此又

公之功也豫章袂寇依憑山澤繕甲完聚多歷歲時結

從連橫爰洎交廣呂嘉旣獲吳漢已擬命我還師征其

不恪連營盡拔偽黨斯擒曜聖武於匡山迴神旗

陳書作旌

於蠡派此又公之功也自八紘九野瓜割

一作割

豆分竊

帝偷王連州比縣公武靈已暢文德又宣折簡馳書風

猷斯遠至於蒼蒼浴日杳杳無雷北洎丈夫之鄉南踰

女子之國莫不屈膝拜手

陳書作膜拜

請

陳書作求

吏款關此又

公之功也京師禍亂亟積寒暄雙闕低昂九門寥豁寧
秦宮之可視豈魯殿之猶存五都簪弁百僚卿士胡服
縵纓咸為戎俗高冠厚履希復華風宋微子麥穗之歌

周大夫黍離之詠較於斯日未足為悲矣公求衣昧旦

旻食高舂興構宮闈具瞻遐邇郊庠宗稷之典六符十

等之章復

南史作還

聞太始之風流重覩永平之遺事此又

公之功也公有濟天下之勲

南史作重

加以明德成性合

道盛德符天

南史作凝神體道合德符天

用百姓以為心隨萬機以

成務恥一物非唐虞之民歸含靈於仁壽之域上德不

德無為以為夏長春生顯仁藏用忠信為寶風雨弗戩

陳書作無慙

仁惠為基牛羊勿踐功成治定

南史作化合

樂奏咸

雲安上治民

高史作御人

禮兼文質物色丘園衣裾里巷朝

多君子野無遺賢菽粟同水火之饒工商富猗頓之旅

是以天無蘊寶地有呈祥滴露卿雲朝團晚

陳書作曉

映山

車澤馬服馭金闕

陳書作登

旣曷煥於圖書方歲蕤於史牒

高勳踰於象緯積德冠於嵩華固無德而稱者矣朕又

聞之前王宰世茂賞尊賢式樹藩長揔征羣伯二南宗

絕四履遐曠泱泱東

南史作表

海祚土維齊巖巖泰山俾侯

于魯抑又勤王反鄭夾輔遷周召伯之命斯隆河陽之

禮咸備况復經營宇宙寧唯斷鼉足之功弘濟蒼生非

直鑿龍門之險而疇庸報德寂爾無聞朕所以垂拱當

宁載懷慙悸者也今授公相國以陳留等十郡

六字南史作以

南豫州之陳留南丹陽宣城揚州之吳興東陽新安新寧南徐州之義興江州之鄱陽臨州十郡

封公

為陳公錫茲青土宜以白茅爰定爾邦用建冢社昔姬

南史作旦

奭分陝俱為保師晉鄭諸侯咸作卿士兼其內外

禮實攸宜今命使持節兼司空王通授相國印綬陳公

璽紱使持節兼司空王瑒授陳公茅土金獸

南史作虎

符第

一至第五左行使符第一至第十相國秩踰三鉉任摠
百司位絕朝班禮由事革其以相國摠百揆除錄尚書
之號上所假節侍中貂蟬中書監印章中外都督太傅
印綬義興公印策其鎮衛大將軍揚州牧如故又加公
九錫其敬聽後命以公禮為楨幹律等銜策四維皆舉
八柄有章是用錫公大輅各一玄牡二駟以公賤寶崇
穀䟽爵待農室富京坻民知榮辱是用錫公衮冕之服
赤舄副焉以公調理陰陽變諧風雅三靈允降萬國和

同是用錫公軒縣之樂六佾之舞以公宣導王猷立

南史

弘作 闡風教光景所照鞮象必通是用錫公朱戶以居以

公抑揚清濁褒德進賢髦士盈朝幽人虛谷是用錫公

納陛以登以公嶷然廊廟為世鎔範折衝四表臨御八

荒是用錫公虎賁之士三百人以公軌

陳書作執

茲明罰期

在刑厝象恭無赦干紀必誅是用錫公斧鉞各一以公

英猷遠量跨厲嵩溟混

一作包

一車書括囊寰宇是用錫

公彤弓一彤矢百盧弓十盧矢千以公天經地義貫徹

幽明春露秋霜允供菜盛是用錫公秬鬯一卣圭瓚副
焉陳國置丞相以下一遵舊式徃欽哉其恭循朕命克
相皇天弘建邦家允興洪業以光我高祖之休命

唐王以相國揔百揆并九錫詔

王言會最

詔曰於戲惟爾假黃鉞使持節大都督內外諸軍事錄
尚書大丞相新除相國揔百揆唐王夫乾道貞觀四象
所以運行坤德含弘萬有憑其載育是以天地交泰資

始由乎聖人陰陽順成揔已歸其元輔故能陶甄百物
代彼天工息四海之羣非廻三靈之掩耀百揆時叙五
典克從伊尹格于皇天公旦光於四表方諸茂如也今
將授王典冊其敬聽朕命上天不造降禍于我國家高
祖棄盛業而昇龍太上釋寶圖而委御王室如燬喪亂
弘多數屬道消時鍾世季郊廟絕主有若綴旒則我祖
宗之基已墜于地矣王應幽明之道從兆民之欲奉七
璽於代邸飛六轡於周京此則綱我絕紀為有大造於

皇家者也曩者塞表省方羣胡反噬矢流君側圍甚平
城淪陷有期阽危莫恤王釋位同謀揔戎千里晨炊蓐
食倍道兼行匈奴遠跡乘輿反正此又王之功也歷山
飛稱兵燕趙妄假名號河朔響應山西屯結王道啓戎
行大穢醜類此又王之功也夷狄貪婪屢犯關塞逼脇
良善殺掠吏民王鞠旅治兵卷甲長騫追奔逐北掃地
無遺此又王之功也威王徒黨潛謀逆亂外交邊裔內
騁姦回實繁有徒將傾宗社王收戮凶渠罪人斯得此

又王之功也四郊多壘三輔倒懸黃圖示宮闕之名赤
眉劫園陵之禍凶荒仍歲荆棘旅庭王投袂義舉星言
電邁取霍邑若摧枯舉秦闕如反掌尅清河渭志存匡
復此又王之功也北荒獯鬻事藉羈縻此者中原多故
龍堆道絕王式遏有方款關請吏更敦隣睦復我舊藩
此又王之功也汾晉地險逋逃攸聚山藏川量負罪稽
誅類馬騰之乞活同嚴尤之盡赦王懷柔伏叛杖信示
威交臂屈膝申其正旦此又王之功也河潼轉漕密通

關畿京抵委積由來尚矣羣凶保據一鼓而崩此又王之功也京師危逼姦臣放命異一象之居內同四凶之扇禍王大誓師旅興言感慨蕩清上國拯厥贅旒暴骨焚屍並勦羣惡此又王之功也上天貽愛莫甚乎民爰作聖哲弼于冲幼官守司存社稷有奉濟方割於下塾爍圓光於上塲此又王之功也唐弼凶豎草竊岐陽吞噬舊邦侵逼都鄙王制以銜策觀其携貳疑作親衆叛離我盡收之此又王之功也華陽黑水控接岷峨山川

阻深盡為逋藪義風所麾行化江漢此又王之功也薛
舉宗姦同惡相濟僭擬輿服滔天泯夏西土游魂秦川
肆毒赫斯授律咸俘醜類岐隴齊其京觀汧渭為之不
流此又王之功也三蜀隩區一都之會夷民雜糅蠻陬
荒梗王發一介之使降咫尺之書而靈關洞開劔閣無
隘此又王之功也弘農甸服襟帶河洛鞠為寇場連城
阻亂長策遠振不征而服此又王之功也王有濟天之
勲重之以明德爰初發迹肇自鴻基峻極於嵩華潤連

於溟渤體茲將聖道被如仁在物不失其宜含靈咸安
其所春生夏長信及四時地平天成義無一德揔萬機
之務因百姓之心保乂我皇家弘濟其多難者也是以
濟濟多士庶政緝熙穆穆四門要荒式叙敦澆風以勵
俗暢和氣以調元神功侔於造化積德高於垂象朕又
聞之先王之宰世也尊賢尚德茂賞疇庸五侯專征九
命作伯周襄光錫桓文是膺大啓南陽以表東海況今
業冠伊稷功高晉鄭勲茂爾朕甚懼焉今進授相國

以河內汲郡清河武安魏郡信都高陽平原趙郡襄國
通前二十郡增封唐國錫以黑土苴以白茅爰定爾邦
用建宗社一作冢昔周邵分陝咸為保傅毛畢諸侯入作

卿士內外之任禮實攸宜今授相國印綬唐王璽紱茅
土金獸符第一至第五竹使符第一至第十相國體絕
羣臣任揔百司朝班彛數宜與事革其以相國揔百揆
去錄尚書之號上所假黃鉞中外都督丞相印綬又加
王九錫其敬聽王命以王繩紀禮度哀矜折獄罔不用

情無或遷志是用錫王大輅戎輅各一玄牡二駟以王
分地敦本民天是賴疏爵務農所寶惟穀是用錫王袞
冕之服赤舄副焉以王風雅所被獯戎咸格陰陽順理
遐邇宅心是用錫王軒縣之樂六佾之舞以王翼宣黃
道義齊疑遐暢三才所運四海攸歸是用錫王朱戶以
居以王登賢命世褒德昇朝思帝所難能官流詠是用
錫王納陛以登以王正色持衡鎔範御下式遏姦宄蕩
滌華裔是用錫王武賁之士三百人以王威同夏日厲

等秋霜刑有其章寬而不漏是用錫王鈇鉞各一以王
明罰信賞折衝無外是用錫王彤弓一彤矢百旅弓十
旅矢千以王霜露履踐裡祀恭嚴天地幽通孝思至感
是用錫王秬鬯一卣珪瓚副馬唐國置丞相以下官一
遵舊式往欽哉祇奉大禮用膺多福以光我高祖之休
命可不慎歟

文苑英華卷四百四十七

欽定四庫全書

文苑英華卷四百四十八

宋 李昉等 編

制書一

命相一

房瑄文部尚書同平章事制 賈至

勅憲部侍郎房瑄清識雅量工文茂學秉忠義之規靡
憚艱險挺松筠之操寧移歲寒宜承題劍之榮式允濟

川之望可文部尚書同中書門下平章事

天寶十五載七月十四日

封郭元振為代國公制

太平內制

門下大臣立事夷險不易良相昇朝安危所繫兵部尚書同中書門下三品郭元振偉才生代宏量匡時經綸文武今之王佐出入將相古之人傑夙侍帷幄疇咨廟堂思致堯舜以期管樂朕徃在儲闈洎登寶位每觀其聞義感激願別忠邪立誠慷慨密陳弘益爾其至矣朕實嘉之頃者梟獍興謀干戈作釁太上皇命朕討除元振又馳奉宸極始則賚予為弼終則寧朕問安可謂格

于皇天貫于白日元惡既剪品物維新昌言是圖朕豈
忘舊宜開井邑永誓山河可封代國公食實封四百戶

張說拜中書令制

門下殷命百工傳膺審象漢推三傑良屬運籌不有斯
人孰資予弼尚書左丞張說居正合道體真理精朕昔
在承華首延翰望談經之際欽若讜言撫翰之間潤色
鴻業屢陳匡益見嫉姦回頃雖抗跡踈遠而載懷飢渴
今群克已服大猷伊始永言亮采光朕側席之期俾咨

啟沃成朕濟川之望宜發疑作鼎鉉式綜絲綸

姚元之拜相制

同前

門下王佐之重師兵之任勞求屏翰膺此具瞻同州刺
史姚元之宏畧冠時偉才生代識精鑒遠正辭強學有
忠臣之操得賢相之風累踐台陞匡益斯在頃居藩郡
循良是屬載懷一德分命六官訏謨允歸文武兼濟式
憑帷幄之筭宜副鞬鈐之委

劉幽永拜左僕射知軍國事制已入三百八十五卷

同前

盧懷慎拜相制

同前

門下宰輔之任謨猷是屬不有大才孰康景化黃門侍
郎盧懷慎貞良敦朴孝悌仁厚度量深於江海堅清邁
於冰雪事皆體大詎觀非聖之書心必在公雅契惟賢
之典故能危言正色直道匪躬比之微管而求得說宜

寵鎖闈叅乎鼎座可同紫微黃門平章事

開元元年
十二月

源乾曜拜相制

同前

門下軒夢三相舜舉八元必行人傑以宣邦政尚書左
丞上柱國安陽縣開國男源乾曜博文強學達識周才
貞白可以勵時道義可以弘物虛懷同於抱月懸鏡不
疲利器比於成風荆鐘無滯固可充左曹之駁議翊中
臺詔令之謀猷用叅金鉉之司兼踐玉壺之制詔令可
黃門侍郎同紫微黃門平章事勲封如故開元四年十一月

宋璟蘇頲拜相制

詔令作宋璟兼黃門
監蘇頲平章事制

同前

門下詔令作虞廷稱盛任於夔龍周邦以寧屬於閔散

黃門

是知出納惟允必藉英竒啓沃有光實資茂彥銀青光
祿大夫守刑部尚書上柱國廣平郡開國公宗璟字量
凝峻執心勁直銀青光祿大夫行紫微侍郎兼知制誥
上柱國許國公蘇頲風檢詳密藻思清華或掌憲南宮
持平邦典或揮翰西掖匡輔政途咸竭奉上之心俱盡
匪躬之節九流俟其澄序衆務資其弼諧宜委銓衡兼
侍帷幄璟可守吏部尚書兼黃門監頲可同紫微黃門

平章事散官勲封並各如故

開元四年閏十二月

張說拜相制

詔令作張說同三品制

門下乾坤以陰陽化成后王以輔相興理

詔令作弼

所以寅

亮天工

詔令作極

緝熙帝圖非夫大賢孰寄斯任天平軍節

度大使右羽林將軍兼并州長史攝御史大夫燕國公

兼修國史張說挺其公才生我王國體文武之道則出

將入相盡忠貞之節亦前疑後承諒可以弘此大猷摠

其邦政允釐庶績保乂皇家可守兵部尚書同中書門

下三品勲封脩國史如故仍即馳驛赴京

開元九年九月

張說拜中書令王峻拜相制

詔令作張說中書令王峻同三品制

同前

門下周稱內史以司號令漢曰尚書是主喉舌用平邦
典以佐王教兵部尚書兼中書令張說履道體正經邦

詔令作德

立言吏部尚書王峻忠肅剛簡博聞宏識並才包

王佐望重時英內訓五品外清九服嘉謨必盡庶績允

釐

詔令作康

宜叅五臣之命以正三台之象說可中書令峻

可兵部尚書同中書門下三品

開元十一年四月

陳希烈拜相制

同前

門下仲虺相湯言宣雅誥子魚相魏任摠中兵將代天
工允憑時傑光祿大夫門下侍郎同中書門下平章事
集賢院弘文館學士崇玄武館大學士太清太微宮使
上柱國臨穎縣開國侯陳希烈逸量弘達英才卓邁既
服直而成範亦忠賢詔令作亦賢忠而炳德學該流畧義惟守
於經門文麗風騷言必銓於理要自黃樞貳職侍講金

華紫府引真叅謀玉鉉歲月逾久而其道彌光人師有
屬於在三王度式歌於畫一疇咨既允亮采惟熙宜正
貂蟬之榮用兼喉舌之寄可行左相兼兵部尚書餘如

故

天寶六
載三月

韋見素拜相制

同前

門下緝熙帝載必候大賢砥礪公才允膺殊獎銀青光
祿大夫行尚書吏部侍郎上柱國彭城郡開國公韋見
素風度宏遠操履貞固懷至公之節守難奪之誠學富

典墳每思經濟之義文雄縉紳豈獨彫蟲之英荐居東

挺顧問有光累拜南宮銓衡式序清素之業惠澤彌彰

爾惟不矜朕志先定信可發揮邦政翊贊台陛詔令作堦將

弘夢卜之感俾協蒼生詔令作黎元之望可守武部尚書同

中書門下平章事集賢院學士知門下省事散官勲封

如故天寶十三
載八月

除韋嗣立鳳閣侍郎平章事制 同前

鸞臺鳳池清切鸞渚便藩詔令作繁出納兩關允資一德中

散大夫天官侍郎韋嗣立當朝人傑詔令作望奕代相門道

周性全才高識遠誠以待物寬而容衆往司綸翰五字

見推洎處提衡九流式序懷宗廟之掌有社稷之能宜

竭忠賢翊宣政化可守鳳閣侍郎同鳳閣鸞臺平章事

散官如故主者施行

長安四年正月

除唐休璟左庶子同鳳閣鸞臺三品制

同前

鸞臺獻替儲闈管綜王職聿求多士必在正人夏官尚

書同鳳閣鸞臺三品上柱國酒泉縣開國公唐休璟業履清醇恭肅忠亮言必從行學以知道居八座之重握四嶽之要出將入相允文允武謀猷是屬弘益以深頃以暮年固辭退位就閑去劇優賢尚齒巨源請老仍叅翼贊之榮叔子養德選預國朝之議宜輟五曹之務俾同三令之班可金紫光祿大夫行太子左庶子依舊同鳳閣鸞臺三品勲封如故主者施行

除裴耀卿黃門侍郎張九齡中書侍郎同平章

事制

徐安貞

勅詔令作門下

風雲之感必生王佐廊廟之任爰在柱臣中

大夫守京兆尹護軍借紫金魚袋裝耀卿含元精之休

體度弘遠正議大夫前檢校中書侍郎集賢院學士仍

副知院事上柱國賜金紫魚袋曲江縣開國男張九齡

挺生人之秀器識通明並風望素高人倫是仰可以叶

彼寅亮當茲啓沃幹時待士既資鼎寶之和為國急賢

寧惟金革之事耀卿可黃門侍郎同中書門下平章事

弘文館學士散官勲如故張九齡可起復中書侍郎同

中書門下平章事兼修國史餘如故主者施行

開元二十一年

十二月

除韓休黃門侍郎平章事制 張九齡

勅思致雍熙聿求元輔久勞夢寐延彼周行太中大夫
守尚書右丞上柱國韓休蘊道弘深秉德經遠清裁可
以範物素行可以律人一自登朝備聞體國志存公亮
誠著始終而羽翼朕躬金玉王度人望是在朝選無踰

宜拜命於郎闈俾兼和於鼎寶可守黃門侍郎同中書

門下平章事

開元二十一年三月

李吉甫拜相制

玉堂遺範

門下昔周宣王思弘文武之道則以申甫代天工漢宣

帝思繼祖宗之風則以邴魏執邦政是以克從一作紹前

烈俱稱中興朕以眇身託于人上亦思所以續一作續列

聖之緒致太階之平懷柔四夷親附百姓將成莫大之

業遂獲非常之才授之鈞衡俾作舟楫銀青光祿大夫

行中書舍人翰林學士上柱國李吉甫符彩外發清明
內融體仁而溫抱義而峻識洞精蹟知皇王致理之由
學該古今窮天人相與之際自擢於綸閣列在禁闈鼓
三變之文潤色王度揔五才之用叅贊廟謨化俗思邁
於成康致君願及於堯舜當注意之所向每罄心而必
陳深中不回獨立無懼經綸常見其道達激切每一作多
至於涕零王綱以張蜀寇斯殄左右密勿實由嘉言降
神而生輔朕為理調三光以序六氣遂物情而熙帝猷

是為中樞司我大本命爾俞往其惟勗哉於戲宰相之
任安危所繫百辟為憲萬邦所瞻與其明察以為光不
若嚴重而有制與其將順於其美不若匡救於纖違審
涇渭以序人倫謹繩墨以正天下交泰之運其若斯乎
敬聽朕言以踐乃職可守中書侍郎同中書門下平章
事散官勳如故主者施行

元和二年正月
一作唐大詔令

裴垍拜相制

白居易

門下朕聞后德惟臣良臣惟聖在太宗時實有房杜贊

貞觀之業在玄宗時則

集作實

有姚宗輔開元之化咸克

祐我烈祖格于皇天朕祇奉丕圖懋繼前烈思欲貞百

度和萬邦建中于人垂拱而治永惟房宗之化寤寐求

思至誠感通上帝眷祐果賚良弼輔予一人正議大夫

行尚書戶部侍郎上柱國賜紫金魚袋裴均器得天爵

文為國華行有根源言

集作詞

無枝葉忠敬恭順輔之以

誠心方潔貞廉輔之以通識玉立不倚扣之

集作金和

有聲

洎潤色

集作內掌

綸言密叅樞務嚴重得大臣之體溫雅

秉君子之文每獻納之時動有直氣當顧訪之際言無

隱情遠圖是經大事能斷匡予不逮時乃之功及領地

官且司邦賦會計務劇出納事殷投利及而皆虛委紛

絲而必理歷試茲集作久全才益彰宜登中樞以允僉

望夫宰輔者下執邦柄上代天工為國著龜注人耳目

爾尚降乃德以親百姓廣乃志以序九流匡朕心而集作

以清化源從人欲以致和氣予欲宣力汝為股肱予欲

詢謀汝為心膂予遣望于一作於汝弼勿謂不從汝言逆

于朕心必求諸道獨立勿懼直躬而行明聽斯言敬慎

厥

集作

位鳴

集作

厚罔俾房宗專美于前可守中書侍

郎同中書門下平章事散官勲賜如故主者施行

元和六年

十一月

李絳拜相制

玉堂遺範

門下司重柄者允屬于長才熙大猷者固資於端士朕
纘鴻緒撫有萬方夙夜祇勤懼遠於道故注意宰輔勞
懷夢想誠以得失之効邦家所繫疇若僉論簡予深畏

必惟其人。是舉成命。朝議郎守尚書戶部侍郎驍騎尉
賜紫金魚袋李絳質秀珪玉文含彩彰抱器挺生居貞
特立有史魚秉直之操勵山甫匪懈之誠忠孝兩全學
識兼茂清標可以範雅俗正氣可以肅群倫頃自周行
俾叅密命動由於詔令作必以義知無不為蹇蹇懷匡濟之
心孜孜陳遠大之畧言無隱避居則靜專貫于初終其
道一致地卿之貳爰委典司理財先示於簡庶利物每
懲其聚斂經通立制器用彌光臺閣之間鬱有公望是

宜權衡百度宰理庶工允副具瞻宰我樞密於戲予欲
驅人俗以躋富壽感人心而致和平爾尚修明憲章宣

布德澤必寬

詔令
作廣

大其志無皦察為公恒其道以秉彝

裕其體以臨下各任以職無忘陳平之言苟便於人勿

憚蕭何之請敬茲寵擢其懋式哉可朝議大夫守中書

侍郎同中書門下平章事勲賜如故主者施行

元和六
年十一

月

張弘靖拜相制

門下虞以為盛猶咨五臣殷之用興亦賴三后朕勵精
恭已十載于茲常以國鈞委之公輔務熙庶績敢怠旁
求思欲左右有人在廣股肱之任歷選列辟洎于藩維
冀獲賢能俾匡正道爰茲所命允屬至懷河中晉絳慈
隰等州節度支營田觀察處置等使正議大夫檢校禮
部尚書兼河中尹御史大夫上柱國開平縣開國子食
邑五百戶賜紫金魚袋張弘靖德緞詔令作稟精微噐舍冲
用溫恭諒實明允克誠素推君子之風雅有大臣之體

蘊積稽古之學發揮經緯之文嘗司朕言動叶謨訓歷

踐清貫具揚淑聲爰統方州載膺節制奉法遵制存詔

作首公無私人無不懷績用丕茂予欲正百工之理成太

平之堦若臨巨川以重舟楫是用命爾列于中台每念

臣隣之規以貞棟崇之吉少翁積慶嗣德漢廷文子勤

身繼匡晉室爾惟朝夕納誨以翊朕躬是資衮職之勤

式重緇衣之美仍帥司寇之屬俾靖臯陶之刑懋宣厥

猷徃踐于位可守刑部尚書平章事散官勲如故元和六年

韋貫之拜相制

門下弼成大化叅叙彝倫克廣元首之明其服股肱之
任朕所以不自暇逸務求賢能式重舟楫之才以弘經
濟之道疇若予志僉諧乃公中大夫守尚書右丞上輕
車都尉賜紫金魚袋韋貫之清明在躬禮樂之器蘊珪
璋特達之德茂廉正博雅之規靜而知微動必有守凡
踐列位備聞嘉猷當官而行臨事能斷道可鎮於風俗

望彌積於朝倫

詔令
作論

是宜和靖陰陽紀綱邦國命作心

齊列于台階夫能慮四方揆百事愛利萬物辨論群材

示公忘私時乃之職而况圖靖藩服繫在廟謀爾惟順

下以訓人奉上以宣力因衆功而致用熙

詔令
作象非

衆志

以為心朝夕獻可否之誠經綸底文武之績祗膺厥命

勿懈于時可守尚書右丞平章事散官勲如故

元和九
年十二

月

張弘靖拜相制

門下贊天地之化阜成萬物正邦國之紀康于群生寧
寐旁求精誠上達况乎明誠以久嘉猷日聞股肱之任
耳目所注具官弘靖實天生德惟嶽降神端方靜深信
厚溫密質抱荆山之璞光含魏國之寶錯爾素履穆然
清風出備爪牙總近關之紀律入膺喉舌練中臺之法
制從容宰輔密勿鼎司誠惟在公慮必經國濟川舟楫
人望具瞻和羹鹽梅朕志先定宜登右弼之任用正中
台之耀纂乃祖考光于家邦於戲天工人代予違汝翼

必當悉乃力同乃心役天下之才以貞百度通天下之志以佐萬幾唯直道是行唯讜言是進內懷親附拯黎元之方困外思鎮撫偃兵甲於將興勿罔養以崇名無遂循而避事對揚成命時乃之休可守中書門下平章事

李逢吉拜相制

門下朕觀古先哲王興化致理未嘗不選建良弼熙寧庶工俾之敷陳大猷左右乃辟者也朝議卽守中書舍

人權知禮部貢舉輕車都尉賜緋魚袋李逢吉䟽通而
守於經制質厚而輔以文章貞恒自居和易待物體賢
人之志業茂端士之風規履歷班行發揮事任厥心匪
懈所至有聲自彌綸粉闈駁正瑣闥且司言於右掖嘗
納訓於東儲誠明一貫聞望旁洽俾司貢士彌著嘉聞
方今外興不得已之師內有不獲安之俗恒忘食於將
旰務求衣於未明冀清原野之誅用止干戈之役登爾
匡輔代予憂勤爾宜宣至化於吾人告嘉猷於厥后銷

弭氛稜導迎和平事有不舉其中政或未孚於下爾惟
啓沃無乃面從可朝議大夫守門下侍郎平章事賜紫

金魚袋

元和十一年二月

王涯拜相制

門下上宰參職所以法三台之耀中樞議政在乎遂萬
邦之宜朕獲承鴻休思建皇極冀沃心而納誨恒注意
以求賢通議大夫尚書工部侍郎知制誥翰林學士上
柱國清源縣開國男食邑三百戶賜紫金魚袋王涯動

直靜專踐方居易挺歲寒之勁質抱夙夜之端誠言唯
守中慮每經遠屬者禁垣揮翰五字日宣選部持衡九
流風動荐居肘腋之地歷試股肱之才進嘗伏於青蒲
出不洩其溫樹年融得大臣之節毛玠有古人之風詢
廟筭以生知論兵鈴而暗合方今戎馬尚駕郊壘猶多
必俟清明以消氛沴是用宥詔令作付以機密陟于崇高爾
其發號令以端其四方陳便宜以寬于百姓行臺閣之
故事弘朝廷之大體秉德以立狗公不回俾予一人垂

拱而理敬聽朕命茂哉

詔令作戒

茂哉可守中書侍郎平章

事

元和十一年十二月

裴度拜相制

門下輔相之任重作於股肱經濟之才難注人

或作任之

耳

目苟非慮周

一作研

物表識洞事先則何以出納中樞平

章大政詢于時論僉曰汝諧朝議郎守御史中丞兼尚

書刑部侍郎飛騎賜紫金魚袋裴度勁直循道清通

一作

明

秉彝文融菁華行茂枝葉居然廊廟之器出于領

袖之門西掖司言南臺執憲常懷遠

一作常
陳明

畧屢告嘉

猷實宣力以徇公况

一作能

外身而憂國霜雪無改雷風

有恒朕欲旋觀其能用試於事俾歷戎閫載馳使軒王

澤渙汗以遐宣軍情密勿而上達將議抽擢因懼震驚
崇道德之藩籬士有致命資忠信之甲冑兵無容及人

具瞻爾天方賚予昆命于龜爰立作相爾其展四體堅
一心廣其道以用賢厚其風以易俗五兵未戢爾惟保
定武功百姓未康爾惟勤恤人隱臨事必斷當官而行

齊台階於底平補衮職之有闕光膺慎選其戒之哉可

朝議大夫守中書侍郎同中書門下平章事勳賜如故

元和十
年六月

一作皆唐大詔

崔羣拜相制

同前

門下成萬方之化通天下之志緝熙帝載昭暢玄猷在
于股肱之臣共凝理本旁求時彥以叙彝倫朝散大夫
守尚書戶部侍郎上護軍賜紫金魚袋崔羣粹密由道

端莊保和本清明之上才體博厚之重德學貫通儒之

業詞含大雅之風居敬有恒循性能斷自然宥

三字一作自承

我密命職叅內庭高文煥若

一作發

於綸言敏識詳達於

國典伏奏無撓直躬不回勤勞八年始終一致春闈取

士必後其浮華地官理才能制其輕重儉惟

一作以

約已

忠惟事君才適而用深望積而實著風猷已洽於人聽

忠勤

一作屬

方注於朕心乃膺

一作爰咨

審象之誠以副具瞻

之地况奸克叛逆尚駕戎車未明求衣思戢干櫓爾宜

酌古今之見舉刑政之中守一作厥位以代天工陳其

謨以明皇極敬茲重命往踐台階可守中書侍郎同中

書門下平章事散官勲賜如故

元和十二年七月

一作皆唐大詔令

文苑英華卷四百四十八

欽定四庫全書

文苑英華卷四百四十九

宋

李昉等

編

制書二

命相二

權德輿拜相制

玉堂遺範

門下夫宰相之任上以代天工輔佐之宜下以立人極

變調之理

詔令無此四字

爰得忠正方膺股肱正議大夫守太

常卿上柱國襄武縣開國侯賜紫金魚袋權德輿器度

端實智識通敏學成師法文為國華素履常踐於貞方
黃中允合於易簡自出入清列茂著嘉聲名利無屑於

中懷風雨不移

詔令
作易

其常性驥騮之質常識於遠途鸞

鳳之姿宜巢於阿閣期于致理推之至公寵以春卿掌
我樞務輔天地之德俾化及平明導陰陽之和使物靡
疵癘予違汝弼言無面從君可臣否事已心同

詔令
作許

用

佇弘美式副虛懷可守禮部尚書同中書門下平章事

散官勳封賜如故

元和五
年九月

武元衡再入相制

門下邦國興理將相是資選衆而舉思賢俾乂故有台
臣外撫宣力已靖於四方袞職迭居懋功復凝於庶職
允茲崇踐爰屬上才前劔南西川節度副大使知節度
事管内度支營田觀察處置統押近界諸藩及西山八
國雲南安撫等使銀青光祿大夫檢校吏部尚書兼門
下侍郎同中書門下平章事成都尹上柱國臨淮郡開
國公食邑二千戶武元衡粹厚端莊簡易常壹有誠明

之道以致用有宏茂之略以佐時貞方自得於性術操
尚不愆於風雨加以懿文合雅聚學承師通禮樂刑政
之源達古今治變之要歷登華貫休聞穆然泊處鈞衡
中立不倚致君思堯舜之盛修職以邝魏為宗益部大
藩比仗兼濟而能布宣威惠撫蒞蠻髦縣道輯寧疲黎
安息推心而下皆率附正已而人自嚮方臨之累年理
有殊詔令
作異等朕以出納王命緝熙帝圖總庶官之職業
為百度之扁鍵惟此重任屬于黃扉分憂遂輟於殿邦

具瞻再歸於碩望爾尚行之以中正煦之以和平毗于
一人膏潤天下祇膺禮命無替徽猷可守門下侍郎同
中書門下平章事兼崇玄館大學士充太清宮使

元和八年

三
月

令狐楚拜相制

門下贊天工而成光濟叶帝力以致昇平非中和稟氣
不能將變調之道非誠明在躬何以膺弼亮之位况今
積祚詔令
作殄已弭而邊鄙猶虞大化方行而里閭未泰將

欲舉百度甄群材外撫四夷內輯諸夏納之壽域被以
仁風代予之勤其孰克任眷求斯得是用命之河陽三
城懷州節度使朝議郎持節懷州諸軍事守懷州節度
兼御史大夫賜紫金魚袋令狐楚根於粹厚著以端明
表山立之莊容洞泉渟之精識文高雄富學茂該通自
頃揮翰掖垣持囊禁署嘗延造膝屢竭沃心發言有
必作誠臨事無惑詣是公望居然國楨及剖符近郊兼暢
牧人之術仗節分閭尤深馭衆之方可謂器適中外效

宣文武宜展舟楫之用式登鼎鉉之司管于中樞持我
大柄於戲輔翼之任人臣極崇未至而衆馭有歸既處
而其名罕副萬務攸託朕何賴焉爾其敬聽此言渝思
其道行致君之志終始勿渝以報國為期夙夜益勵無
俾厥后有慙知臣可朝議大夫守中書侍郎同中書門

下平章事

元和十四
年七月

李夷簡拜相制

門下致理之道王者由其盡心弼成之功輔臣所以宣

力皇極是建蒼生乃安敷求實難倚任斯重將付大政
必惟僉諧正議大夫守御史大夫上柱國成紀縣開國

侯食邑一千戶賜紫金魚袋李夷簡學

詔今
作才

稱通明性

本嚴重守以正直傳之文華羽儀朝端冠耀宗籍早司

邦憲爰總地征糾逖無聞於避強經費克均其定制中

立不撓孤標出倫聳善激

一作
仰

貪法行令肅自鎮漢上

洎臨蜀州儉德載彰清規一貫山岳比厚雷風有常勵

貞峻以理心竭忠勞而奉上人望汲黯印歸趙堯俾之

持綱萬目皆舉固可以綜參庶務允釐百工燮和陰陽
宣發號令是用申命陟于台階於戲說積爾躬夢協朕
志虛已將求其弘濟鯁言罔懼於佛違道必舉中位無
苟曠膺此寵擢敬哉戒哉可守中書詔令作侍郎同中

書門下平章事

元和十三年三月

夏侯孜拜相制

門下篤檝克修航艦以之濟海羽翮可勵一作鷗鵬於

是摩天朕恭已寰瀛勞誠夢獵將以篤檝賢輔羽翮寶

臣以三代至理之英濟群生並洽之欲載仗舊德期獲我心劔南西川節度副大使知節度使事管内度支營田觀察處置統押近界諸蠻及西川八國雲南安撫等使光祿大夫檢校尚書右僕射同中書門下平章事

元和

十三年三月

上柱國譙郡開國公食邑三千戶夏侯孜大鼎

分精維嵩挺秀擅四海之賢俊作中朝之表儀禮樂詩書資其懿範溫恭孝愛輔以多才服道以致身含章而底力經國之用貫百川而不改其清應物之明體萬象

而莫窮其照周踐華列多識舊章郎署諫垣休聲夙振
東陽故絳惠愛洽聞洎甘棠政成會府徵命兼領臺轄
之任再居邦憲之尊正色無私當官必舉摠征賦以贍
國幹山澤而富人美利無加遺澤益覩積是朝著一作德

昇於台司內竭謨明外弘體理馳咎瘼之極摯陋周漢
之遐蹤克彰為輔之聲允叶有開之契屬者以西南重
鎮邊徼多虞爰賴惠征以隆外聞福星時雨既惠巴庸
景化元和須歸鼎鉉是用召於驛騎待一作代以天工重

開集鳳之池再仰問牛之化弼謨萬務師長庶僚亟付

機衡俾康區夏於戲刀非礪不割一作割魚非水不行為

君誠難得中一作時甚易決疑定計吾以爾為神龜肥國

救人吾以爾為上藥盡布四體懋堅一心勉哉勿疑對

揚我休命可尚書左僕射同中書門下平章事散官勳

封如故咸通三年七月一作皆唐大詔令

韋執誼入相制

門下宰相之職寅亮緝熙道陰陽之和贊天地之化裁

成百揆揔領庶官非道契時中識通理本則何以敷暢

皇猷

一作極

阜安群庶

一作黎

朕以眇身嗣守丕業思立人

紀以承鴻休

一作天

其代予言允屬良弼朝議郎守吏部

郎中騎都尉賜緋魚袋韋執誼孝友忠肅自誠而明茂

實本於宗師英華發於事業久參內署動宜靜慮累踐

中臺職修事舉克有令

一作公

望冠于群倫以予冲人恭

默思道是用命爾納誨弼違必能行四方之風成天下

之務祇乃茂

一作厥

職厥惟欽哉可守尚書左丞同中書

門下平章事賜紫金魚袋

永貞元年二月

一作皆唐大詔令

皇甫鏞加恩制

門下選衆舉材俾參大政俟善績丕著嘉謨有成然後
進序台階協宣德務乃制輕重謂之盈虛以經用靡虧
而成功克集黃扉之位式示疇勞具官皇甫鏞器識端
方性尚孤直文發貞而詞去枝葉學為已而政資本根
每脫落於浮榮能優游於劇任志圖經遠心惟徇公自
貳中臺專摠大計昇之相府兼贊鴻猷屬問罪二方徵

師十萬千金難減於日費百役併萃於司存而供億罔
差中外咸樂一作若泉貨無虞於竭涸干戈遂致於清寧
允茲忠勤副我倚任是宜踐居左輔均賦中邦漸於雍
熙期乃成績可守門下侍郎平章事依前判度夫

皇甫鎛罷判度夫制

門下古者丞相府不接吏蓋以任重體大地親禮崇苟
非征討之時豈仗貨財之事爰俾出納歸諸有司用嚴
台庭以輔吾道中大夫守門下侍郎同中書門下平章

事判度支上柱國賜紫金魚袋皇甫鏞精明絕倫乾健
不息蘊是器業發為英華頃以守位聚人必資大計因
其能事委以重權致用之機所以經天下之務重輕之
法所以莞天下之財自淮右不虞東平犯順兵車在野
饋食連年而乃庖無折又御有濡轡既授明命升之股
肱軒裳所瞻崖峯詔令作岸益峻請謁自絕其風凜然况贍
給之餘謀慮必至平二方之險阻慮載戢之干戈庸非
坐籌佐朕而致今則百揆攸叙萬邦保和宜全相府之

重勿領計司之劇撫夷夏調陰陽用安元元時乃之職
可守門下侍郎依前同中書門下平章事

程昇拜相制

門下漢宣帝弘祖宗之業正刑德之本簡求輔相以致
中興朕祇荷丕圖思揚聖緒每懷舟楫以涉巨川俾人
不迷用底于道今獲良弼式允僉諧朝散大夫守衛尉
卿御史大夫充諸道鹽鐵轉運等使賜紫金魚袋程昇
厚德外嚴沈機內朗抱精微以致遠本誠明以格物盡

瘁事國誠明在公常探化原雅高學術揚歷斯久公望
藹然自位列大寮摠諸劇務達權酌之利適財賦之方
贍出納於邦家中績效於官業頃以淮夷未殄師旅在
郊有漕輓之勞兼供億之費言念多事恐傷吾人而异
法能變通道益明著言無伐善動必由衆蘊夷難致君
之心見懷道佐時之略况屬饋軍之事尚倚良能載閱
前功宜當大用乃服休命俾參中樞爰表秩於冬官仍
兼綜於舊職膺茲重用表全材爾宜左右朕躬朝夕

啟沃干戈未絕

詔令作飛

尤佇廟謀敬聽斯言副我明獎可

守尚書工部侍郎同中書門下平章事依前充諸道鹽

鐵轉運使

元和十三年九月

楊收加恩制

門下古先聖哲之御天下也莫不勞於擇賢逸於任已

一作恭已

是以巖求匪易殷代稱宗畋獲甚難周王受命

一作

膺肆朕在位天授

一作材

正人於言語侍從之間得亮采

惠疇之俊固亦高邁前烈垂休當朝敬遵用汝之文

一作

言爰舉弼予之典雅符不讓斷自無私翰林學士承旨

朝議大夫守尚書兵部侍郎知制誥柱國賜紫金魚袋

楊收器茂渾金寶欽大玉瑩清冰於滌暑挺綠桂於嚴

霜行過曾顏道兼夷憇詞一作文冠一時而若非游藝學

該一作窮千古而似不能言自鴻飛名場鷺振班列憲署

每聞其守法曲臺咸著於推公所蒞有聲歷試皆可才

一作用彰簡要已洽譽於含香業擅精微遂騰輝於視草

戒慎攸至初終莫一作不渝常懷造膝之中俾見沃心之

旨謝安體識王儉精

一作才

能動為僉論所諧居益

一作溢

具瞻之望由是擢於禁苑升以台階求匡輔之勤用燮

和之事

一作俾申匡輔之勤用燮和之重

爾其慕伊周之志弘臯益之

謨九流既分百辟斯正嘉猷可舒於前席妙略尚在於

止戈式序三才允歸一德懋乃致主副予知臣無使載

筆之褒獨稱於姚宋也可守本官同中書門下平章事

散官勲賜如故主者施行

咸通四年五月

授李逢吉門下侍郎同平章事制

同前

門下朕聞天地洪鑪鼓之者橐籥帝王大業成之者股

肱故堯舜垂衣禹湯恭己弘道任德惟一作予輔臣則

八表清寧萬邦咸乂一作故伊尹之舉臯陶之升庶績

其凝不仁自遠正議大夫守兵部尚書輕車都尉賜紫

金魚袋李逢吉大方比量中正持心貞玉無瑕精一作

金匪礪一作峻節而高山是仰推誠而止水可觀剛柔

所持吐茹無易往以青宮齒學導我典墳儀式學蘭

藹馨茂洎升台席翊奉先朝訐謨密聞獻替潛達外順
明德中深至言溫恭聿修終始一貫朕嗣守丕業思得
賢良將俟和羹期於舊章易之襄漢居以南宮每詢嘉
言啟沃惟允今授之相印委以樞衡代天之工爾在專
任於戲發號施令選賢任一作與能能申於百辟之上行於
四海之內朝無黨比人絕澆浮白黑燦然淄澠不溷使
巖廊重位揚我清風弘宣大猷以暢王度可守門下同
中書門下平章事散官勲如故主者施行

長慶二
年六月

一作皆唐大詔令

除鄭朗工部尚書同平章事制

門下雲因龍興龍非雲無以施膏澤臣由君用君非臣
無以播皇猷信乎際會相湏以康天下永念詔令良弼

作言

常切寤思詳求國禎乃獲時傑通議大夫守御史大夫
上柱國賜紫金魚袋鄭朗間代應期稟靈作瑞王室髦
彥士林菁英溫華凝珪玉之姿磊落負棟梁之任諫垣
蘭省常推讜正之風廉俗登壇克懋撫循之績洎領劇

務益見盡忠杜邪徑而啟公途懲奸吏

大制詰
作利

而絕私

託饋軍無闕贍國有經委以憲綱尤彰直道是宜毗贊
大業翊宣景化朕以區區齊晉取霸諸侯率由三賢叶
心五臣同德况今四海為宅百辟盈庭未能寇靖塞陸
人歸壽域豈無長策俾及升平惕然疚懷莫知攸措肆
予命汝往踐台階勉弘濟代之功罔致曠官之誚善調
兵食以備我邊虞慎舉典章以貞我庶品敬戒于位惟
其有終可工部尚書同中書門下平章事散官勲賜如

故主者施行

大中十年正月
十二日丁巳

韋貫之授中書侍郎平章事制

門下地拱宸居任膺宰臣宣明大號佐佑丕圖失其道
而庶事靡陳得其道而彛倫攸叙成我柱石在乎鈞衡
况今戎役方殷廟謀為切利用既彰於歷試崇名宜允
於僉諧右丞韋貫之代秉庶清天資貞白奇文包於五
色茂德體於千鈞含和抱公居易求已徊翔禮闈堅明
以辨其妍媸網轄仙臺密靜克修其班制動有直氣居

無流心洎權登袞職參事樞務平章庶事屢入三臺遠
猷是經中立不倚玄成之慶靈斯集山甫之恭勤日間
俾重輝於相門爰正位於台座於戲宰相者實執人柄
以為國楨化有未孚于休物有不遂其性俟爾高議副
予虛懷予欲惠于兆庶爾思均賦之宜庸觀在位式序
品物咸亨鼓時風以淳厚吾人流王澤以光昭乃辟服
我戒命仰而行之可守中書侍郎平章事

擬門下侍郎平章事制

門下天地至大任四時以成功元首雖尊託三台而佐
理况外居黃閣入奏青蒲寅亮皇猷緝熙帝載以相予
位以安兆人必有夢卜之期式重將明之職求其具位
果獲良臣

擬中書侍郎平章事制

門下四輔齊耀衆星拱於北辰百職分官萬物歸於西
掖翔翔鳳閣泛泳龍池報我祖宗格於上帝今獲良弼
天寶賚予

授盧翰劉從一門下中書侍郎平章事制

陸贄

門下

集作勅

寅亮天工弘宣理本俾予從乂時乃輔臣扈

踵載馳以勞定國懋官遷列式是彝章銀青光祿大夫

行尚書兵部侍郎同中書門下平章事范陽縣開國公

盧翰嚴重不撓貞方自持養恬鎮俗

集作浮

居簡濟

原言

思

無隱事必有恒守尚書刑部侍郎同中書門下平章事

賜紫金魚袋劉從一質厚器深識精體遠

集作雅

冲用無

竭真規不渝從容以和出納惟允自鸞

一作鑿

車載駕薄

狩于梁執羈有從我之勤及雷勵匪躬之節交修不逮

集作息

庶績其凝俾並命於掖

集作禁

垣仍參掌於樞務令

百度伊始四維載張論駁是非不可以不審宣揚憲令

不可以不明爾其欽承無墜我不

集作休

命翰可守門下

侍郎同中書門下平章事餘並如故

授劉滋崔造齊映平章事制

門下朕嗣位君臨精求理道小大之務靡不經心日慎

一日于今八載教化未洽蒸黎未康因之以甲兵繼之

以災沴斯固鑒有所不至慮有所未周予衷

集作心

浩然

若涉深水思所以匡我致理助我官人宣其澤而四方

以寧執其要而百工式序允是大任其惟輔臣夢想勞

懷敷求俊又得茲良弼爰在周行權知吏部侍郎劉滋

操履貞清介然自守居能慎獨動

集作思

不違仁析理究

其精微勵學探於旨趣

集作其旨與

守給事中賜緋魚袋齊

映修己崔夢識通化源適時有成務之才事上懷匪躬

之節蘊蓄器業居為名臣中書舍人賜紫金魚袋齊映

修己以立

集作敬

自明而誠體賢人可大之規用君子時

行

集作中

之道

虛受能擇清通不流惟滋之直方可以激

風俗惟造之

體度可以振條綱惟映之精深可以該物

理我有大典爾其參之懋昭厥猷勿替休聞滋可守

集作

本散騎常侍同平章事造映可各守本官同平章事造

仍賜紫金魚袋其有散官勳封賜並如故

貞元二年正月

文苑英華卷四百四十九